



KEMENTERIAN PEMBANGUNAN WANITA,
KELUARGA DAN MASYARAKAT

SIARAN MEDIA

KESELAMATAN DAN KEBAJIKAN KANAK-KANAK TERUS DIPELIHARA MELALUI PROGRAM ADVOKASI KASIH KANAK-KANAK

KOTA KINABALU, 25 SEPTEMBER – Kementerian Pembangunan Wanita, Keluarga dan Masyarakat (KPWKM) melalui Jabatan Kebajikan Masyarakat (JKM) hari ini telah mengadakan Program Advokasi Kasih Kanak-Kanak. Program ini telah dirasmikan oleh YB Menteri Dato 'Sri Hajah Nancy Shukri, Menteri Pembangunan Wanita, Keluarga Dan Masyarakat bertempat di Sekolah Kebangsaan Malawa, Kota Kinabalu, Sabah.

Program advokasi ini adalah bertujuan untuk mengerakkan anggota masyarakat untuk memastikan keselamatan, kebajikan dan hak kanak-kanak sentiasa dipelihara. Ini seiring dengan Konvensyen Mengenai Hak Kanak-kanak (CRC) yang telah diratifikasikan oleh Malaysia pada tahun 1995 untuk memastikan kanak-kanak dapat meneruskan kehidupan dalam suasana yang selamat, suara mereka didengari serta usaha membangunkan potensi diri mereka sebagai pelapis pemimpin masa depan negara. Sebanyak 333 daripada 2,959 kes yang melibatkan penderaan fizikal, seksual, emosi dan pengabaian kanak-kanak dilaporkan dan dikendalikan oleh JKJ berlaku di Negeri Sabah.

Program Advokasi Perlindungan Kanak-Kanak ini, menjadi platform kepada masyarakat setempat khususnya guru-guru, Persatuan Ibu Bapa dan Guru (PIBG) dan komuniti setempat untuk berperanan sebagai mata dan telinga kepada Kementerian dalam membantu mencegah berlakunya peningkatan kes penderaan dan pengabaian kanak-kanak. KPWKM akan terus mengadakan perbincangan dengan Kementerian Pendidikan Malaysia (KPM) untuk memastikan kesinambungan dan keberkesanan pelaksanaan advokasi ini di sekolah seluruh negara.

Program advokasi ini memberi pendedahan kepada kanak-kanak berkenaan hak-hak mereka dan sekiranya kanak-kanak didera oleh ibu bapa atau ahli keluarga di dalam rumah, mereka boleh mendapatkan pertolongan segera dengan menghubungi **Talian Kasih 15999** atau melalui aplikasi **WhatsApp 019-2615999**.

Majlis ini turut dihadiri oleh YBhg. Datuk Dr. Maziah binti Che Yusoff, Ketua Setiausaha KPWKM dan pegawai-pegawai kanan Kementerian.

###

**UNIT KOMUNIKASI KORPORAT
KEMENTERIAN PEMBANGUNAN WANITA, KELUARGA DAN MASYARAKAT
25 SEPT 2023**